

EE eta EUErekin ados ez daudenei Earentzako botoa eskatu die Oliverik

Kanpaina demokratiko bati dagokion debate falta salatu du EAK

Orain arte EE eta EUEri botoa eman eta alderdi hauetako buruzagiekin ados ez daudelako 23an abstentitzeko asmoa dutenei, EARI botoa emateko eskatu zien Inaxio Oliveri EAKo Gipuzkoako bigarren hautagaiak. Eskaera hau egiteko, EA nazionalismoaren benetako berrikuntza aldarrikatzen duen alderdi bakarra dela arrazoitu zuen Oliverik.

AINHOA GERRA / DONOSTIA

EEK eta EUEk nazionalismo berritzaile baten alde lan egin zutela eta «nahiz eta alderdi hauek desagertu», EE PSErekin elkartu delako eta EUEko zenbait buruzagi EAJra inguratu direlako, hauen idealek eta botoemaileek bizirik jarraitzen dutela gogoratu zuen Inaxio Oliverik.

Gizarteak duen ilusio faltaren aurrean, EAK guztientzako proiektua aurkeztu duela adierazi zuen hautagaiak. «Gobernu nazionalistaz hitz egiten dugunean, ez gara nazionalistentzat bakarrik izango den gobernu batez ari, euskaldun guztientzat izango den proiektu bateratzaile, berritzaile eta solidario batez baizik. Hau egiteko akordio bat beharrezkoa da» azaldu zuen.

Kanpainari buruz hitz egiterakoan, kanpaina demokratiko batean guztiz beharrezkoa den zerbait falta dela adierazi zuen Oliverik, informazioa eta deba-



Ustelkeriaren aurkako neurriak aurkeztu zituen EAK Gasteizen. OLALDE

✓ Oliveri: «EAK euskaldun guztientzako proiektu integratzaile, berritzaile eta solidarioa egiten lagundu nahi du».

tea alegia. Bere ustez, «EAK ez du aurpegia eman nahi eta PSE-EEK EAJrekin bakarrik eztabaidatu nahi du. Debaterik ez izateko arrazoia, konfrontazio dialektiko zuzenean asalto bat ez lukeela aguantatuko da. Bakarriketetan ezkutetzea askoz ere errazagoa da».

«Alderdi hauei eztabaidatzeak beldurra ematen die, baina gizarteari informaziorik ez ematea es-

kubide demokratiko baten aurka joatea da» gaineratu zuen Oliverik.

«Arzalluzek igandean espainiar nazionalismoan kokatu zuen biolentziaren jatorria, eta hau onartezina da» azaldu zuen Oliverik. «Ajuria Eneko bilera batean, biolentziaren arazoa euskaldunena bakarrik zela zioen agiri bat aurkeztu zuten. Biolentziaren jatorria Espainiako Estatuaren eta Euskal Herriaren artean konpondu gabeko arazoan kokatu behar zela Arzalluz komentitzen zortzi ordu eman nituen», argitu zuen EAKo Gipuzkoako bigarren hautagaiak.

EAJri ere beste zenbait kritika egin zizkion, euskaldunak sailkatzeko, euskarari buruz adierazpen xenofoboak egiten dituela esanez, zuri eta beltzez hitz egiten baitu.

PP: «Arzalluzek EAEren irudi kabernikola zabaltzen du»

DONOSTIA

Xabier Arzalluz EAJko presidenteak azken egunotako hauteskunde kanpainan egindako adierazpenak kritikatu dituzte Partidu Popularrereko buruzagiek. Arzalluzek Euskal Autonomi Elkartearen «irudi kabernikola» ematen duela adierazi zuen Mayor Orejak atzo, eta Jose Maria Aznarrek «egonkortasun eta lasaitasun giroa» sortzen laguntzeko eskatu zion buruzagi jeltzaleari.

PPren kritikak eragin dituzten adierazpenak joan den asteburuan egin zituen Arzalluzek. «Euskaraz dakien beltz bat, berau ezagutzen ez duen zuri bat baino» nahiago duela esan zuen Arzalluzek larunbatean. Igandean, berriz, «nazionalismo espainiarri» egotzi zion ETArekin indarkeria sortu izanaren ardura.

Mayor Orejaren arabera, adierazpen hauek «asaldura eragin dezakete Madrilén baina benetan EAEri egiten diote kalte».

Aznarrek «lasaitasun eta egonkortasun giroa sortu» beharra azaldu zuen, «euskal herritarrek bakearen eta aberastasunaren aldeko apustua egin dezaten». «Egun batean esaten da ETak ez duela atzerriko inbertsiorik ez izatearen errua, ez dituelako enpresari atzerritarrik hiltzen; beste batean Rh aipatzen da, eta horrela euskal herritarrentzat kaltegarria den egonkortasu-



Jaime Mayor Oreja. SIMAL

nik eza sortzen da», adierazi zuen PPko presidentek.

«Baloiak kanpora» botatzea egotzi zion Arzalluzi eta Eusko Jaurlaritzan egin den lana, «zenbat lanpostu sortu diren eta EAE krisitik ateratzen ari denentz» azaltzeko eskatu zion.

Bestalde, Jaime Mayor Orejak kazetariekin gosaldu zuen atzo goizean Donostian. Bertan, Jaime Mayor Oreja ziur agertu zen urriaren 23ko hauteskundeak «PPren hauteskundeak» izango direla. «eskuinekoa edo ezkerrekoa izan gabe, aldatu nahi duten» pertsona askoren botoa jasoko duelako.

Arabako egoerari dagokionez, EAJri min handien egiten diona PPren hazkundea dela esan zuen Mayor Orejak.

Diru bereizien kontrola

F.I. / GASTEIZ

■ Eusko Alkartasunak Lehen-dakaritzako diru bereiziaz desagertzeko eta Barne Sailekoak Gasteizko Legebiltzarra kontrolatzeko eskatuko du datorren legegintzaldian. Neurri horiekin batera, beste zenbait proposamen, aurkeztu zituen Patxi Ormazabal Arabako zerrendaburuak ustelkeriari aurre egiteko.

Boterean dauden alderdiek egiten omen duten fondo publikoen «erabilera okerra» salatu zuen Ormazabalek. «Ez dira Osakidetza, Azpiegitura edo Sabin Etxeko kasuak bakarrik, baita boterean dauden alderdiek egiten duten presio soziala ere. Alderdi horiek komunikabide

publikoak erabiltzen dituzte eta kasu batzuetan baita pribatuak ere», esan zuen.

Alderdiek egiten duten kontrolaren adibideak dira, Ormazabalek esan zuenez, ikastolak edo auzo elkarteak kontrolatzea. Alderdiaren izena eman ez bazuen ere, jeltzaleei buruz ari zen EAKo hautagaia. Bere ustez, kontrol honek «beldurra» sortzen du gizartearen.

Ikerketa batzordeak sortu ahal izateko araudia aldatzea nahi du EAK. Carlos Garaikoetxearen alderdiak uste du egungo araudiarekin «zaila» dela ikerketa batzordeak sortzea. Legebiltzarreko «gardentasuna» bultzatzeko, halaber, araudia aldatzea nahi du EAK eta Jaurlaritzatik

ematen diren laguntzak masa komunikabide guztietan agertzeko eskatuko du, «denek jakin dezaten nori ematen dizkioten laguntzak».

Administrazioko kontratuaren «ordainketa delegatuaren» figura agertzeko eskatu du, bestalde, alderdi abertzaleak. Neurri horiek subkontratutako enpresek lanaren ordaina berehala kobratzea ekarriko luke. Lan publikoak enpresa handien esku gertzen ohi dira, eta hauek beste batzuk kontratatzen dituzte lanak egiteko. Enpresa handiek berehala kobratzen dute, baina ez ordea subkontratatuak. Ordainketa delegatuaren figura indarrean jarritz enpresa txikiei lagundu nahi die EAK.

AGENDA

- **EAJ Donostia** Mitina: Joseba Egibar eta Juan Maria Juaristi. Gros auzoko Okendo Kultur Etxean. 20.00etan.
- **HB Audio** Bilera: Karmelo Landa eta Nekane Jurado eskualdeko sindikatuetako ordezkariak elkarrizketatuko dira. Kultur Etxean. 9.30etan.
- **Elgoibar** Mitina: Jone Goirizelaia eta Iñigo Iruin. Herriko Antzokian. 19.30etan.
- **Sestao** Mitina: Karmelo Landa, Iñaki Antigüedad eta Txoli Mateos. Herriko Plazan. 19.00etan.
- **PSE-EE Bilbo** Topaketa emakumeekin: Ramon Jauregi, Carmen Romero eta Bizkaiko emakume hautagaiak. 17.30etan.
- **Gasteiz** Mitin nagusia: Ramon Jauregi, Jose Maria Benegas, Fernando Buesa eta Javier Solana. Palacio European. 19.00etan.
- **Lasarte-Oria** Mitina: Juan Carlos Rodríguez Ibarra Extremadurako presidentea, Jesus Egiguren eta Ana Urtxuegia. Kultur Etxean. 19.30etan.
- **EA Bilbo** Prentsaurrekoa: Jasone Irraragorri Bizkaiko zerrendaburua eta Pilar Rahola ERCko diputatua. Ercilla Hotelean. 17.00etan.
- **Barakaldo** Mitina: Iñaki Galdos, Sabin Intxaurrea eta Jasone Irraragorri. Foruen plazan. 18.30etan.
- **Donostia** Hitzaldia: Carlos Garaikoetxea. Zuzenbide Fakultateko parainfoan. 11.30etan.
- **Irun** Mitina: Inaxio Oliveri eta Carlos Garaikoetxea. Alkartetxean. 19.30etan.
- **PP Gasteiz** Prentsaurrekoa: Jaime Mayor Oreja lehendakariaga eta Mariano Rajoy diputatua. Alderdiaren egoitza. 12.00etan.
- **IU Beasain** Bisita: CAF enpresa bisitatuko dute Julio Anguita koordinatzaile nagusiak eta Jose Luis Ainsuak. 12.00etan.
- **Bilbo** Prentsaurrekoa: Javier Madrazo, Katy Gutierrez eta Julia Madrazo. Abando Hotelean. 12.00etan.
- **Zumarraga** Mitina: Julio Anguita, Javier Madrazo eta Jose Luis Ainsua. Zelai Aristi plazan. 19.00etan.
- **Bilbo** Mitina: Antonio Romeo diputatua eta Txema Fernandez. La Bol-san. 19.00etan.